

Одйг ю тысез но муз'ем вылэ кельтоно өвёл

Германской захватчик'ёслы пумит великой отечественной войнаын Красной Армия но Военно-Морской Флот немецко-фашистской войскаослы туж бадзьмесь ыштон'ёс сётэ.

Советской калык яратэ аслэстыз кышкастэм воин'ёссэ: красноармеец'ёсты, командир'ёсты но политработник'ёсты, куд'ёсыз асьсэлэсь улонзэс жалятэк жугиско асьмелэн советской муз'еммылэн кажной вамышез понна, асьмелэн город'ёсмы, селоосмы понна, асьмелэн шулдыр но мусо улонны понна.

Война кутскем бере советской калыклэн нунальсь нуналэ будэ патриотизмез. Соос ужан дырныз лыд'ясыкытэк родина, Красной Армия повна туртско ялам трос но трос машинаосты, продукт'ёсты сётны. Угольщик'ёс но нефтяник'ёс йылэто топливо поттонзэс, машиностроительёс дырызлэсь азьло лэстыса вуттыло машинаосты, железнодорожник'ёс жог нулло поезд'ёсты, колхозник'ёс сион-юон сётса будэто государствозэ производственной запас'ёссэ.

Асьме районьсытым колхоз'ёсысь патриот'ёс валаны кулэ сое, что государство сётэм кажной килограмм ю-нянэ но мукет продукт'ёс юнматозы родинамылэсь кужымзэ, что со тушмонлы эшшо но зол пездэт луоз.

Турын октон-калтозэс быдэстыса районьсытым колхоз'ёс кутскизы ни ю октон-калтон но этин ишкон уж борды. Бачумовской сельсоветысь „Н-Сада“ колхоз 6-тй августэ жег араз 8 гектар вылысь. Жег аран борды озы ик кутскизы ни Н-Чуриной сельсоветысь „1-й май“, Ворцинской сельсоветысь Чапаев-

лэн нимыныз нимамо мукет'ёсыз колхоз'ёс.

Одйг-кык нуналскын ваньмаз колхоз'ёсын кутскоз ни массовой ю октон-калтон уж. Соин ик колхоз'ёслы кулэ луэ на эшшо одйг пол эскерыны вань ужась кужымез, машинаосты, вал'ёсты уже шонер пуктылон ласянь.

Куд-ог колхоз'ёсын норма выработкаос синэтылэмын. Соос малпало ю октон-калтон но жег кизён уж'ёсын машинаосты одйг смена гинэужатылыны. Тае малпан йырысь куштэмын луны кулэ. Вань машинаосты пеймытысен пеймытозь ужатано. Гырон, усяян, государство нынэ ворттон уж'ёсын 2—3 валлы одйг адыми пуктэмын мед луоз. Кажной колхозын мед луоз детплощадкаос, яслиос, чтобы кажной колхозница пинал'ёсыз понна сюлмасыкытэк колхоз ужын нунальмесь ужаны мед быгатоз, и соку кажной колхоз быгатоз ю октон-калтон уженыз дыраз шонерскыны.

Ю октон-калтон дыр'я ыштон'ёсын но октэм-калтэм ю-нянэз тус-тас каремлэсь возьманлы нимыстыз саклык вис'яно. Одйг ю тысь но тус-тас каронэ медаз шедьы.

Ю октон-калтозэс жог но ыштон'ёс лэстытэк ортычтон, дырызлэсь азьло государство ю-нянэ но мукет сельскохозяйственной продукт'ёсты сётон, озы ик мукет'ёссэ но сельскохозяйственной уж'ёсты жог но вылй Зечлыко быдэс'ян районьсытым колхозник'ёслэн но колхозницаослэн патриотизменыз луоз и со луоз родинамылэн оборонаезлэн фондэзлы бадзьым вкладэн, кудйз Красной Армия но Военно-Морской Флотлы юрттоз жоггес пазыгыны фашистской бандит'ёсты.

КОЛХОЗ ЛУД'ЁСЫН

Луд уж'ёс нутскизы

Бачумовской сельсоветысь „Н-Сада“ колхоз 4-тй августэ жег араны кутскиз. Ваньзэ жег араны ни 8 гектар вылысь.

Ворошиловлэн нимыныз нимамо „Юпитер“ но „Восток“ колхоз'ёсын азинлыко

мынэ этин ишкон уж. Ворошиловлэн нимыныз нимамо колхоз этин ишкызы ни 10 гектар вылысь, „Юпитер“ колхоз—9 гектар вылысь.

П. Поздеев,
сельсоветлэн председателз.

Кидыслы низем овсяница октэмни-калтэмни

„Диктатура пролетариата“ колхоз, кидыслы понна, 7 гектар вылэ овсяница турын кизылыз. Овсяницаез араса колхоз быдэстыз

ни. Табере овсяница турын кидысэз колхозлэн аслаз тырмыт луоз ни.

Веретенников.

ФАШИСТСКОЙ БАНДИТ'ЁСЛЫ ЛЭЧЫТ ОТПОР СЁТОМЫ

Тушмонзэс жог пазыгон понна



НА ЗЕМЛЕ И НАД ЗЕМЛЕЙ
МЫ ЗАЖИМЕМ ВРАГА ПЕТАЕИ!

Кажной толэзысь одйг нунал'ем уждунмес оборона фондэ сётиськомы

Германской фашизм сьбсь сямэн тэтчиз войнаен асьмелэн мирной советской город'ёсмы но гурт'ёсмы вылэ.

Тушмонлы пумит бадзьым отечественной войнае султыз вань советской калык. Красной Армия, вань трудящой калыкен чош, сётэ жестокой отпор фашистской варвар'ёслы.

Тушмон хитрой, кужмо. Вооружить каремын со пинёяз. Озы ке но тушмон воремын луоз. Гитлеровской бандит'ёс шедьтозы асьсэлы шайгу советской муз'ем вылын. Фашистской гадинаосты жоггес быдтыны понна али дыре вань ужез пуктоно на военный лад. Вань ужез подчинить кароно фронтлы. Октоно-калтоно ваньзэ ю-нянэз, шыр'яно горячеез. Кажной килограмм мултэс октэм ю-нянэ, кажной килограмм шыр'тэм горячой, тушмонлы гадяз пуля луоз.

Али дыре быдэс Советской Союзамы вёлме оборона фонд кылдытон. Та туж усто мероприятие. Со юрттоз советской оружиез эшшо но грозное каронлы. Соин ик вань советской калык та ужез эшшо паськыт вёлмытыны кулэ.

Ми Яр МТС-ысь рабочий'ёс но служащойёс странамилы кышкытлык кылдэмез лыдэ басытыса ог мылкыдын решить каримы война бырытчозь кажной толэзы одйг нунал'ем уждунмес оборона фондэ сётылыны.

Соин чош ик партилэсь но правительстволэсь куриськомы великой отечественной война мынон дыр'ялы котькуд заём'я тираж'ёсты дугдытылыны.

К. Поздеев,

Яр МТС-лэн директорезлэн пол ичастыа эмсстителз.

Бачумовской сельсоветысь колхозник'ёс но колхозницаос котьма ужын жог но производительно ужало, дырзэ витытэк тыро государстволы коньдон тырон'ёссэс но вань обязательствооссэс. — Вань полезной ужмы странамылэсь обороназэ юнматовлы, фашистской сьбсьёсты жоггес вормонлы мед мыноз, — шуо соос.

Молотовлэн нимыныз нимамо колхозысь колхозник'ёс Ельцов Иван Петрович но Золотарев Михаил Михайлович вань тырыськон'ёссэс тырыса полностью быдэстызы ни. Золотарев эш сельхозналог, заём, страховка тырон'ёссэ ваньзэ друг тыриз. Коньдонзэ сёткуз со вераз: „Мынам

пие финляндской белобандит'ёсты тышказ. Табере со мынйз немецкой бандит'ёсты жугыны.

Асьмелэн Красной Армия кужмо, вормом асьмеос вир юысь сьбсьёсты. Мон тодыско, али дыре странамилы трос коньдон кулэ. Соин ик вань государстволы тыроно коньдонме срокэс витытэк тырыско. Мынам коньдонзэ лэн кажной копейкаез адыми сиысь фашист'ёслы зол пездэт мед луоз.

Бачумовской сельсоветысь Молотовлэн нимыныз нимамо колхозысь Золотарев эшлэн кадь али ваньмызлэн колхозник'ёслэн мылкыды.

М. Попов,
фнагент.

Заёмлы коньдон тырон быдэсме ни

Вань колхозник'ёс но колхозницаос умой тодо кытчы мыно асьмелэн советской заём'ёсмы. Особенно али, куке асьмелэн странами немецкой фашистской варвар'ёслы пумит великой отечественной война нуэ.

Тае лыдэ басытыса Сада сельсоветысь колхозник'ёс но колхозницаос котькыче государстволы тыроно обязательствооссэс дырызлэсь азьло тырыны туртско. Та

нунал'ёсы Куиньметй Пятилетка (нылэтей араз поттэм) Заёмлы коньдон тырон сельсовет'я йылпум'яське ни. Сельсовет'я заёмлы коньдон ваньмыз тыремын ни 95 процентлы. Лумпа, П-Новиковский, „Ожгиар“ колхоз'ёсысь колхозник'ёс но колхозницаос заёмлы коньдон'ёссэс 100 процентлы тырыса быдэстызы ни.

А. Кондратьев,
сельсоветлэн председателз.

Пинал'ёс лош'ясыкыс корт'ёсты люкало

Тарасовской НСШ-ысь но Бачумовской начальной школамы дышеткись пинал'ёс ульчаосын, азбар'ёсын но мукет интыосын лош'ясыкыс корт'ёсты окто.

Тарасовской НСШ-ын дышеткись пинал'ёс лош'ясыкыс корт'ёсты октызы ни 1500 килограмм, Бачумовской начальной школамы дышеткисьёс—2000 ки-

лограмм. — Котькытысь лош'ясыкыс корт'ёсты октомы. Кажной килограмм люкам кортмы Гитлерлы кымысаз пуля но йыраз бомба мед луоз, — шуо дышеткись пинал'ёс.

Пинал'ёслэсь шулдыр, шудо улонзэс таланы уз кылды адыми сиысь Гитлерлы!

П. Поздеев.



Гитлеровской бандит'ёс кёняке кузёясыкыем бере Западной Белорусиысь одйг поселоклэн ульчаезлэн тусыз.

